

重修庙碑

邾国宗圣公自有封謚以来载在祀典春秋配享孔子庙庭血食天下后世在有之而此庙则在故里南武城旧为邑即子游作宰处在今兗之西嘉祥金乡县界庙南北去县各四十五里南武山之阳不知所妈厯岁滋久风雨震陵而兴废补敝者不知其岁也正统甲子

特勅天下有司修治应祀神祀而嘉祥教谕温良乃以兹庙倾圯奏请修葺

诏赐俞允时山东提刑按察司僉宪萧公啟命兗郡太守焦公福督两县吏民併工重建嘉祥令宋善主簿张嘉议典史赵宗教谕吕仕华训

导卜传同心协力经始於乙丑之秋八月落成於丙寅之春二月栋宇翼飞一新营建木不待斫之而已有节悦之华焉壁不待朽之而已有丹之艿饰焉庙既成像

宗圣公於前庙祀

莱芜侯偕夫人於寢室而宗圣公曾元并坐於左右各以夫人配之又明年丁卯山东大参马公谅进谒是庙观位次失序遂绘为图出俸金命即其庙右创建新庙立莱芜侯位而祀之

宗圣公独居中旧庙天理民彝於是乎正文父子兄弟於是乎安矣今年春充郡节推范公雯竭庙读记石刻乃金乡教谕盧与龄所作

莱芜侯庙记而

宗圣庙记则缺如也归语太守郭公鑑曰

宗圣契一贯奥旨得道统之心传天下后世仰而尊之不可尚已今庙既成不可无文以彰之於是公乃以记属之且道其詳曰正庙三间中设宗圣公像东西则列门人子思孟子配食寢室三间

公偕夫人中坐两庑各三音则以阳膚公明儀明公高公明宣孟儀乐正子春沈犹行单居离子襄公孟子高从祀焉全於中间戟门各以三间而规模则甚宏远也予按史记孔门弟子列传称

曾子南武城人少

孔子四十六岁

孔子以其能通孝道故授之业传孝经十八章今庙东南有耘瓜臺西南有

曾子墓其家世南武城也明矣当其时以北有武城故云南耳当夫杏壇设教之时从游三十速肖七十而道统之传得其宗者惟

曾子焉其嘉惠天下后世者昭於星日千万年如一日也嵩浅学所也议其万一哉特以二公之命不可辞仅以所闻所知者记之於右后之欲知兹庙重建之由者盍於此致徵焉时天顺四年庚辰冬十月吉日

礼部侍郎兼翰林院学士许彬敬撰